

八瓊室金石補正

第三五册



八瓊室金石補正卷七十三

太倉陸增祥撰

男

繼輝校錄

吳興劉承幹覆校

唐 四十五

王從政暨薛氏合祔誌

方一尺五寸五分廿三行行廿五至廿七字字徑五分正書在吳縣潘氏

大唐故王府君墓誌銘 并序

鄉貢進士劉可記撰

公諱從政太原郡人也其先歷代簪裾間生賢哲

祖因官遂家於河南府版藉焉

曾祖諱冰使持節

諸軍事守甯州刺史鎮居方岳位列雄藩宏化之羨信  
孚百城 祖琳仕爲原州司馬名以孝聞位因才達

國華人望榮觀一時 府君公即司馬之長子也至

性崇禮□奉宗祧感覆載之深思戀晨昏而不事恭近  
於禮以此爲羨不失其親以此爲貴夙夜虔虔匪躬之  
不逮恂恂於鄉黨愛敬盡於 祖考協和宗族豈非福  
慶而致焉於戲禍兮無跡生也遇疾弥流日臻百藥不  
救人有斯疾天喪斯聞享年七十於大和四年夏四月  
啓手于靈臺縣之私第嗚呼哀哉公弱冠之勗娶於河  
東郡薛氏即 故雲麾將軍之嫡孫也 夫人

夙承善慶生自德門歸彼君子含章永貞奉以舅姑流  
謙自誠潔齋承祀善復勤勞儀尔芳名內外欽屬吁哉  
天道言口賢能以大和九年冬十一月願命于家捨其  
榮養公有三子長子元通次子元用幼子僧次嚴等並  
以溫柔克諧全茲孝悌慕風泣血遶象高柴知禮善喪  
豈唯顏子以開成元年歲次丙辰三月三日合祔於  
皇考故塋即涇州靈臺縣東三里北原之禮也恐陵  
谷遷變刻于貞石銘之詞曰

昭昭白日 昊昊上天 悲風松柏 瘞於隴

田 功勳承代 痛惜良賢 亦裏不祐 俄

歸逝川

白駒遄及

日往月遷

至孝□□

諒陰墨言

四時潛運

永乎祀年

千秋□

□

墳所生煙

誌稱從政之祖為曾祖稱其父為祖不可法也或疑誌有脫文恐未必然彌留作流古通斯文作聞同音借字欽屬屬當是矚之省墨言墨是默古通

佛峪金剛會碑

高二尺六寸廣一尺八寸兩截上截文世一行下截年月姓氏廿九行行字不一字徑四分餘正書隸額四行題大唐故金剛邑會碑八字字徑寸餘在歷城東佛峪

□□石弥勒像讚并序

□濟州歷城縣維那劉長清等八人爲□中金剛經邑  
會之長會同邑內信直者十數公俱禮南靈臺山禪大  
德僧□方爲出世之師師以大和六年受靈巖寺請命  
詣闕進本寺圖將謝

聖旨再許起置鎮國般舟道場之鴻澤師行能二脩募  
止京畿首末三秋無疾而謝世維那劉公等痛惠焯  
絕照法鏡沉光無明益昏大道荒塞乃率邑內諸人等  
家財同心奉爲沒故禪大德建此弥勒像一軀侍菩薩

兩軀於南靈臺山先師宴坐之地上蒼生前法海之恩

惠矣□先身得授佛記菩薩另問逸多今爲次□

四天天中取演無上妙解脫正真理補處一□攝用歸  
於圓寂無數天人隨其六事行果聞見親踈近者薰其  
□種清淨至不退地遠者著快妙樂天福盡還墮迺五  
十六億萬歲滿降生閻浮當翅頭末城孕大妙梵婆羅  
門舍□□生長少馱塵跡悟无常无我因寶臺起觀知  
了竟終空灰心滅智法證無生度能人正像末遺法白  
黑弟子□百八十二億數日慈氏如來即弥勒佛之卒  
稱器界攢縮草木芬香環海抽銷濤湧澄徹一蒔七寶  
人壽過仙迷浮覺休坤成金色有軸王出興号儂佉与  
□及嬌嬪等皆墮髮修空迷證道果鵠□山爲之峯裂

迦葉波定盡捧釋氏授 慈氏竟化火而謝僧尼女男

万万計俱發無上道意故今之刻像已息未來弥修口

佛之良因冀入龍花之大會者也 訟曰 鍊行三祇

劫 當來證法王 四維千万土 一口三毫光 下

界牢籠固 天口歲月長 眾生淪溺苦 俟降竺軋

方以上  
上截

開成二年歲次丁巳四月甲午朔

功德主及都維那邑人等一百一十人結金剛經會每

會書經一卷每至正月十八日九月十五日設齋一中

以表眾緣標於此碑



院主僧行勤

邑人蹇秀誠

魏少寂

榮日華

功德主劉長清

田清

王如山

房惟晟

都維那王昇朝

趙面華

張焯用

王義成

維那劉君義

高進玉

盖文政

孫允

維那劉衎岳

段苾

李濬

魯憲朝

維那李士良

李榮

苑元瞻

高文素

維那張敬宗

高行口

李樂山

馮端

維那王士義

韓良季

王君祐

田欽晟

維那李綰

尹懷珍

徐良祐

劉文會

維那張少林

侯君集

趙廣陽

張如雅

僧元忠 僧廣潛 丁少陽 李與俊 吳進明

僧楚文 僧簡裕 曹良祐 李惟寬 李文真

僧居政 僧善住 李全義 劉湛 李重昌

僧思口 邢忠信 李玉山 宋仁 李餘

尼體幽 楊再清 高文弼 郭士清 董日榮

尼元珪 趙孝恭 左裴柳 趙國進 朱寶山

尼志堅 孫再榮 崔口 高慶 劉元甫

尼堅行 仇智梟 劉惟義 劉惟讓 劉惟和

李公弁 段常省 曲文宗 段良茂

右一  
列

右二  
列

右三  
列

右四  
列

段良祭

張文遇

張友信

李輔國

嚴憲

張幹

張穎

王士倩

李清

榮法空

趙惟義

郭達

孫行素

吳士林

王士慶

王進義

霍沅

周忠信

鄧懷義

李万迪

許良祐 梁如泉

翟公信 李文慶

侯重興 張逢玉

陳公弁 高友成

史口豐 翟公信

郭明義 徐令芳

劉宗襲 劉元亮

劉惟會 劉惟忠

段良義 杜達

右五列

右六列

以上六列  
為一段

女弟子等清淨海 蓮花藏 功德性 素真 會

香林 阿李 无亮息 温和 阿鄧 佛果

圓 妙智 清淨額 常歡喜 淨花林 圓滿

如蓮花 九天花 心清淨 常自在 阿李

觀自在 阿張 阿潘 修德 真如藏 常

觀察 界香林 以上四行  
為一段

崔從口 宋佐元 殷王薩 王元濟 劉惟義

弟良恕 王口亮 張殷政 宋良臣 王良

秀 弟良秘 弟良允 燕林 以上三行  
為一段 下截

縣志云題名有蹇秀誠其人杜詩濟南名士多自注

時邑人蹇處士輩在坐或謂後人僞爲以此碑證之  
知當時固有蹇姓而公自注爲不贗也女弟子有曰  
淨花林常歡喜如蓮花等名頗新麗宋元已後北方  
弟子罕以小名傳矣

山左金  
石志

碑出里俗之手文字皆無足取譌俗亦多山左金  
石志所錄額缺故邑二字法鏡沉光缺沉字演無  
上妙演誤作滿環海抽銷缺抽字鳩□山鳩誤作  
鷄段良祭祭誤作察祭即祭之俗王如山山誤作  
忠許良祐祐誤作祐張逢玉逢誤作廷仇智梟梟  
誤作昇西安有優婆姨段常省塔銘刻於天寶十

二載此題名內亦有段常省其人偶同名也

梓州刺史馮宿碑

開成二年五月 萃 編載卷一百十三

巡官

缺巡

立其子

缺立

示逆順

缺示

杜口

刊口誤

貶惡

缺

字 遷兵部

缺兵

元翼

缺翼

不解

缺解

紀沸

缺紀

間里

缺

字 陳

缺陳

人或

缺人

子翼

且誤

且留

餘缺

君象

缺象

所中

缺所

常少

缺少

杖下

□□

□□

缺中

令行

禁止

缺

行二字此  
下失拓

新唐書馮宿傳婺州東陽人碑云冀州長樂人下文

又云乞歸江左以奉色養元和姓纂馮宿長樂人後

徙東陽碑所著特其舊望爾碑稱宿父諱子華宿遷

華州刺史以州名犯先公諱固讓不拜子華之華讀平聲華州之華讀去聲字同音異晉書王舒傳舒父會王導欲出舒爲會稽內史舒辭以父名朝議以字同音異於禮無嫌故宿亦固讓而後不拜也

平津讀碑記

### 鄭覃進石經狀

裝本高廣行字不計正書在西安

### 國子監

准大和七年十二月五日 勅於國子監 缺 九經并孝

經論語爾雅共壹伯伍拾 缺 字樣肆卷 石經圖壹軸

右伏准 勅旨創 缺 鑄刻已畢伏以



陛下敦修教義崇缺脩刊貞石遂使究尋不缺者秘奧

盡列于缺儒風大闡自漢魏以後淪缺修當 聖明

缺廣大悉脩臣缺忝司成詳觀不朽之功實賀無疆

缺本并圖一軸謹差專知官朝缺守國子毛詩博士上

柱國章師道隨缺本進謹進

缺年十月十三日銀青光祿大夫守尚書右僕射兼

門下侍郎國子祭酒同中缺事 太清宮使監修國

史上柱國滎陽郡開國公食邑二千戶臣覃狀進

案石刻十二經已見關中金石記未有年月一行艾

居晦陳玠等十人銜名十行詳載西安府志二書皆

未及進書之狀此石殘缺當爲明嘉靖乙卯地震所  
碎縱橫止餘尺許無年月是經成于開成二年十月  
則進狀當在其時五行章師道全銜上缺朝議郎  
三字第六行臣覃全銜上缺都檢校官銀青光祿大  
夫右僕射兼門下侍郎判國子祭酒同中書門下平  
章三十字證以末段銜名而知也狀有忝司成三字  
蓋鄭覃時爲國子祭酒狀即覃撰而章師道等因隨  
狀署名也

隋唐石  
刻補遺

按此刻于石經後書石校勘諸臣題名之左壹伯伍  
拾下當是捌卷二字專知官朝下當是議郎二字同

中下當是書門下平章五字石經之刻始於大和七  
字十二月成於開成二年九月越四年而竣即以其  
年十月奏進年上缺字當是開成二年也金石續編  
王氏編錄石經遺此進狀黃氏所見亦非足本此  
從固始吳氏藏本錄入

黃公記

高一尺九寸八分廣三尺二寸廿八  
行行十五字字徑寸許正書在絳州

黃公記

絳州道士觀其教所謂碧落尊像者石為之其背篆  
書六百三十九字□□永隆中孝子李譔諶等為妣助

冥福者也文體亦當時宏贍者篆六百三十九字蹤蹟

竒古妙絕世傳李監陽冰見口大嘆異服鷹像下旬時

卒不得影響口熱中以椎椎之今有損處若拳者口口

也然因是斯篆顯於世競摹寫所謂口落碑者余討史

氏得譔之卒末乃口口忠烈者也

下空

高祖子韓王元嘉嘉生譔別封黃口公天后時諸武欲

掩神噐王時爲絳州刺史公不勝忍自京託疾

至絳與王潛議起兵誅諸武迎

中宗於房陵時瑯琊王沖亦與謀期有日矣不幸沖不

俟期先起以敗公與王發覺伏誅嗚呼史云公父子皆

□□法為重人尤好古學家藏書埒天府□□本為詳

定公為文與當時周思□□利貞者齊名觀中別有記

云荆人□□玉書者非也惟玉絕不聞必公自□□以

在疚故沒耳不然何書工如此□□而不悉其人乎是

必無惟玉余重□□忠節不顯舉世祇以碧落聞碧落

□□好事者以惟玉偽故刻石碑旁弔□□□時開□

二年十一月二十五日絳□長史李漢記

唐黃公記李漢撰八分書無姓名開成二年十一月

金石錄目

碑陰記其始末前題黃公記末題開□二年十一月

廿五日絳□長史李漢記新唐書宗室世系表撰封黃國公碑國作縣字雖泐下半尙可辨舊唐書李漢傳大和九年六月李宗閔得罪罷相漢坐其黨出爲邠州刺史宗閔再貶漢亦改邠州司馬仍三二十年不得錄用其爲絳州長史史不言開下泐者當是成

字

平津讀碑記

右黃公記在碧落碑陰李漢撰無書人姓名結構峻整與鄭承規釋文相似下截殘泐一二字集古錄碧落碑跋尾云李璿之以爲陳惟玉書李漢以爲黃公撰書是歐陽公嘗見此碑矣而集古錄目

則未列入也趙氏金石錄有目無跋此本紀元開下缺一字以集古錄證之知爲開成惟碑係正書趙氏以爲八分或傳寫之譌也世鮮拓本蓋競於碧落碑之名椎拓多不旁及然是碑之完美可愛亦正藉此耳案碧落碑釋文云有唐五十三禩龍集散牂哀子李訓誼譔謹云云集古錄以爲總章三年此碑云永隆中孝子李譔謹等爲妣助冥福永隆祇有一年於唐爲六十三祀是歲庚辰不直午與龍集散牂語不符碑又不及訓誼名舊史稱訓早卒元嘉被害時不言及訓亦不言及誼誼或

亦先卒其不及訓誼名猶可說也永隆與總章相距且十年殆李漢不解篆書故爾舛誤時未有釋文之刻也元嘉父子於垂拱四年見殺碑云王時爲絳州刺史與唐書言垂拱中徙絳州刺史者相符顧氏金石文字記以爲不合者蓋以此碑敘述前事之詞律以造像鑄字之年耳瑯琊王沖越王貞之子碑中所述與韓王越王傳均合董道廣川書跋云李漢謂終于碧落字而得名今讀碑無此語殆在陳惟玉記中別封黃□公黃下缺一字據宗室世系表則爲黃國公而碑刻此字下半尚有



小蹟似非國字與當時周思□□利貞者齊名思  
下缺二字據唐書云孟利貞稱其文曰劉隣之周  
思茂不是過也則爲茂孟二字無疑觀中別有記  
云荆人□□玉書者人下缺二字據集古錄跋云  
李濬之以爲陳惟玉書則玉上是陳惟二字記即  
李濬之所撰廣川書跋謂李肇得觀中石記爲陳  
惟玉書即此也絳□長史李漢記絳下缺一字長  
字亦缺下半蓋絳州長史也李漢字南紀雍王之  
後淮南王六世孫唐書附淮南王道元傳文宗立  
召爲屯田員外郎進御史中丞吏部侍郎出爲汾

州刺史改州司馬

案舊書作邠州

不數歲徙絳州長史大

中時拜宗正少卿讀此碑知其為絳州長史蓋在

開成初也碑側有楊損題字未見

### 溪州刺史田英誌銘

高二尺三寸三石合之廣二尺廿四行行廿七字至世三字不等首行四十五字字徑六分正書在彭水

故銀青光祿大夫使持節溪州諸軍事守溪州刺史鴈

門縣開國男食邑三百戶上柱國賜紫金魚袋田公誌

銘并序

經略隨軍將仕郎試太子通事舍人後周介公元孫

太陽子撰

噫四時有代謝人情有始終貴賤榮枯有生有威者也  
然哲有忠貞者仕主之令名有節行者爲人臣之遠格  
夫慶人天之拯唯忠孝焉忠於事主可建邦家揚于王  
庭可爲人傑一而遂之則故田使君之能事矣使  
君公諱英字英鴈門人也安平君之苗裔也其先祖  
粉榆京鎬倚寄黔中冠冕聯綿朱紫不絕烈孝玉諱  
寅字官任黔州洪杜縣令秩滿□奏授光州司馬上柱  
國賞緋魚袋詢訪耆舊稱文詞絢練翰墨芳馨道贊邊  
城化毗方岳挹王祥之羨化得羅含之風者哉太妣  
蘇性也武此字旁注功之貴族也母儀有則貞淑可觀德充

趙括之親賢可王陵之母然古今有隔節行不殊者哉  
公稟精粹之氣岌然天姿氣魄稜々事君竭節能展熊  
羆之仕肅著爪牙之威幾變權謀人具瞻仰又位分符  
竹宣贊六條政術多方化洽封部不苛不擾愍恤惇嫠  
布政五溪譽傳巴楚嗚呼享年六十有四良晷未展厚  
祿初霑自守郡城纔經二稔天道恍惚時事多端悔恡  
吉凶陰陽莫測無何遘戾業力無施運命兩乖奄歸真  
宅冰容忽逝永弃明時一代生涯干春已畢楊朱益泣  
墨子重悲以開成二年丁巳歲暮之杪二旬有八日終

於西陽官舍至冬十二月旬有三日壬寅葬于府城西  
南隅唐牙峯高原禮也粵有節婦 張夫人者則南陽  
張□君仙尉之女也芳閨令淑婉婉貞明秦晉合儀調  
如琴瑟節偕杞婦賢頗鴻閨者歟且鬻其服用資贍送  
終喪盡其哀祭盡其敬一女特達立節忘軀大義克崇  
婦道之本也有善不旌有節不錄何以激人倫而彰化  
本也或慮山迴谷圯或市或朝主嗣莫分命余述誌余  
學識淺劣承乏操文不揆管窺叨陳梗槩銘曰 偉  
哉田佚 禮樂鏘々 敦經閱文 爲人紀經 公心  
翼々 爲棟爲樑 位分符竹 惠化封壇 堯龍有

悔 悲哉夕陽 干炆万歲 委骨郊荒

巨唐開成三年四月廿日匠京地奉和鐫 宇文坤

述文併書

丙子九月王巡檢

尙恂

以此誌及山谷黔州題名

爲贈是近年出土者其尊人司鐸西陽就近拓得  
之知余有金石癖因郵寄焉田英及父寅無考撰  
書者宇文坤前題後周介公元孫太陽子署銜不  
署名誌尾復題宇文坤述文併書可補碑版廣例  
之一誌銘分刻三石亦碑例所未有後周介公者  
宇文洛也文帝叔虞公阿頭之孫興之子隋封介

公宰相世系表自洛至庭立並襲介公而離惑之  
下庭立之上闕佚兩世名字亦無坤名此稱介公  
元孫則似非襲爵者雖於離惑爲子行既非離惑  
之子即未必爲庭立之祖也溪州靈溪郡天授二  
年析辰州置田英爲溪州刺史卒於西陽官舍唐  
無西陽郡縣名溪州轄縣三亭有大西山見新唐書地理志  
蓋在西山之陽或泐漢晉舊稱墓於府城西南  
隅者黔州都督府也僞寄黔中即葬於彼耳父寅  
爲洪杜令洪杜即黔州所轄縣武德二年析置因  
洪杜山爲名英終於開成二年三月葬於十二月

旬有三日壬寅通鑑目錄是年十二月庚寅朔以  
此推之十三日正值壬寅誌鐫於三年四月是臨  
窆時石未納壙也字學河南而書刻草率未免譌  
誤然哲有忠貞者仕主之令名疑仕爲事之誤業  
力無施業乃藥之形誤冰容忽逝冰疑音之音訛  
代謝作榭榭古作謝此反以榭爲謝惟機變作幾  
封疆作壻於古爲合愍虎括三字皆避諱缺筆而  
享年作亨獨不避肅宗名諱豈以音讀不同歟烈  
考玉諱寅字謂烈考諱玉字寅也

奉禮郎李繼妻博陵崔氏墓誌



方一尺三寸一分十九行行字不一  
字徑四分撰人銜名一行較小正書

唐故博陵崔氏夫人□□

李府君墳所誌文

宣武軍

節度

使檢校□□尚書兼御史夫人李紳撰

夫人博陵崔氏祖□父

緯

以貞元丙寅歲移天從于季

氏先府君禮也府君以元和庚寅歲終于無錫縣私第

以元和丙申歲歸祔于白鹿原夫人以大和甲寅冬十

月十五日終于越州觀察使之官舍春秋六十有九夫

人無嗣子有女子一人已出也嫁于河東裴達達亦先

霜露孤女歸我與弱子苑苑先祖母夫人

人

□□疾終開

成戊午歲春正月啓夫人於樵李与

孫苑

□北苑歸其

裴氏大墓夫人合祔于先兄奉禮府君之□秋七月旣  
晦乙酉合封禮畢夫人柔泚謙順之□□于府君先誌  
嗚呼夫人有姊妹五人而鮮兄弟先兄娶夫人而無嗣  
子夫人之女子適裴氏一子中殤以亡崔李裴三氏皆  
絕胤豈天平不知者陰隲耳銘以誌言用符元室銘曰

奉禮清德夫人泚儀廿五載和鳴婉隨諧彼瑟琴終無  
祿仕家食是肥荆釵自貴商庸有偶伯道無嗣歸□□

□□□永祕

右崔氏墓誌李紳撰文云合祔于先兄奉禮府君之□是紳於夫人爲夫之弟而夫人之夫不詳其名以前李繼墓誌證之知崔氏即李繼之妻也惟彼誌所述繼卒于元和四年與此誌所書庚寅者差一年然餘俱脗合其爲繼妻無疑彼誌文後有博陵不義不順不奔不護明神有知終不得祔數語而崔氏歿後公垂仍令祔於奉禮之塋并爲文以誌之蓋不欲絕之已甚也文簡質有古法但云柔淑謙順之□□于府君先誌合祔誌文之體固應如是抑以前誌有不義不順之語於此不欲顯

薄其非故爲此隱約之詞耶首行夫人下似歸祔  
二字其款式未見於他誌可備碑版廣例之一先  
祖母夫人之下似是二日二字新舊唐書李紳傳  
開成初鄭覃以紳爲河南尹遷宣武節度使與誌  
正合誌云檢校□□尚書兼御史大夫史略之傳  
又云大和中擢紳浙東觀察使此誌云終于越州  
觀察使之官舍蓋崔氏依紳以居歿於紳所也戊  
午爲開成三年是年七月丙辰朔此云既晦乙酉  
是大盡日也與通鑑目錄合銘詞廿五載句少一  
字古人恆有之

大泉寺新三門記

開成三年十一月廿六日 萃編載卷百十三

不周於用

周誤同

文入于石

入誤若

記稱初寺每有僧俗大會五千餘眾號曰龍華荆楚

歲時記四月八日諸寺各設齋以五香水浴佛作龍

華會以為彌勒下生之徵唐人重此會故題詠中屢

及之

平津讀碑記

碑今斷缺人咸歸之之字宋室舊邑宋字王氏所

見尙完整也

義陽郡王苻璘碑

附開成三年 萃編載卷百十三

代為師

師作帥

山東

缺山字

諸軍

缺諸字

日甚

缺甚字

安史

缺史字

亦足缺亦其誠缺誠一□三絕缺一三五十頃缺頃兵

重缺重加号号作聖葬缺聖未充缺未

新唐書田悅傳悅以苻璘康愔為爪牙璘之降也未

必出于本心而新唐書列於忠義傳亦幸矣哉璘入

覲賜靖恭里第一所長安志輔國大將軍苻璘宅在

靖恭坊街南之西北隅平津讀

大遍覺法師元奘塔銘開成四年五月十六日

於白鹿於作干此于作修作修另作號又學缺又是故

第故誤寺遺寺誤剎耗作貞觀貞作曾無缺曾

震維俞安期禮塔至因觀在銘詞下非

碑為劉軻撰摭言稱劉軻少為僧止于豫章高安縣

南果果園復求黃老之術隱於廬山既而進士登第

與韓柳齊名兩唐書不為軻立傳新唐書藝文志劉

軻春秋三傳指要十五卷

平津讀碑記

北巖造象七種

在資州

魏恩題記

高一尺三寸廣三寸兩行  
行字不一字徑寸許正書

弟子魏恩為亡考妣造永為供養開成四年八月廿三

日記

資州參軍鄧暗復官題記

高二尺二寸廣九寸六分  
八行行字不一正書左行

上刻  
佛像

殺苦觀廿音菩薩

□□□□□天尊

弟子攝資州錄事參軍鄧暗自去年三月九日到官遵  
守

教條匡持眾務自以耿直爲事翻遭猾吏加誣至五月  
廿九日奉命停務暗仰祈陰隲下燭無辜因發願奉爲

相公及當州使君造 二大聖金采眸容煥乎圓脩果

蒙加護□□深冤至其年十月十七日蒙 相公迺垂

仁鑒俾復本官若非聖力所加安得無移舊貫今者因

齋慶讚式表丹心爰刻翠珉以彰靈應時咸通十四年



歲癸巳二月八日記

天尊上似是九子

國子祭酒□□等題名

高一尺廣二寸五分二行  
行字不一字徑六分正書

光祿大夫檢校國子祭酒□□

□□節度先鋒副兵馬使□□□

任亮題名

高八寸廣三寸二行行六  
字字徑七分正書左行

弟子任亮奉爲使君敬造供養

寇十二娘題名

高四寸廣二寸一  
行五字字徑七分

寇十二娘造

杜行滿題名

高一寸七分廣二尺三寸橫列十八  
行行一字徑一寸三分正書左行

杜行滿發心粧地藏菩薩一身追薦所生父母

等慈寺題字

高一尺廣一尺八寸四行  
行二字字徑三寸餘正書

重修等慈禪寺中佛

為錢岳夫婦造象

高一尺廣五寸三行行字  
大小均不一正書左行

敬造地藏菩薩壹身

奉為錢岳夫婦造以資寬識

九品往生社碑

高三尺七寸廣二尺上層序廿三行行六字下刻男  
女姓氏九列行字不一字徑五六分額題往生碑三  
字並正書  
在紹興

結九品往生社

并序

沙門處訥譔

唐開成五年歲次庚申

皇帝昇極是歲夏五月會計禹寺請元英法師講金剛  
經於餘姚平原精舍會次慕一千二百五十人結九品  
往生社夫爲善者迷於所趣無量壽佛返念不息遺巨  
掛冕東樂投簪史氏稱之其風不泯矣公學我真教挹  
其遺蹤施有等荜階陳九品旁求貞石書其姓字不以  
予管見命序其事云

第一品

第三品

第五品

第六品

僧處訥

蔣漸進

僧良捷

僧雅操

僧永端

空九行

僧陟霄

僧智源

空六行

第四品

僧獻通

藕約

徐十一娘

朱甯

僧惠平

梁十一娘

空一行

潘禹

邵玘

第二品

魏晟

陸遂

邵仕興

徐文政

蔣沛

方榮進

呂三娘

鄭大娘

張菩提

馬超

梁出世

朱趙七

陳卅一娘尼淨嚴

胡大惠

第七品 第九品

僧閑居 方榮進 尼契能 邵六娘 鍾元成

僧清習 鄭師簡 尼深淨 董法趙 宋忤

僧履言 危倫 尼志常 劉智滿 胡仲芳

潘雅 吳貫之 尼宏政 胡二娘 劉叔

傅成 許玩 尼宏辯 梅十二娘俞子興

申屠儉 楊成 尼契虛 張八娘 朱瑄

潘存約 方常和 尼圓政 施十一娘蔣仕琳

陳卅娘

徐式

尼遠照

劉一娘

夏用

項卿

縵阡從

尼體常

周三娘

陸嵩

朱清淨

縵岑

尼契端

胡福相

劉文臯

尼宛輪

縵陶婆

尼目淨

沈九娘

賈政

第八品

鄭恊

尼妙喜

虞清淨

沈簡

尼堅持

縵日華

潘妙性

黃二娘

龔榮

李臯

李瑜

梁出世

王三娘

盛望

高二娘

戚通

徐十二娘

菜四娘

陳可津

鄭簡

方子明

徐三娘

吳卅娘

盧倣

邵強

朱十二娘

江十一娘

朱智明 謝行恭 方二娘 李志圓

許三娘 翁珎 姜三娘 黃三娘

宋十四娘 周慶徽 張圓滿 李圓滿

馬訓 沈十一娘 縵真姓

僧法敷 徐公佐 鄭三娘

僧元宥 蕪澄 丁蓮花

戊申十二月澄江方可中得之禹寺因記男月山刻

分書在碑  
尾下方

道光二十八年禹寺僧鋸地得此碑卧灌莽中江陰  
方可中洗拓示余亟命兒子同善置趺承之移樹殿

中案唐文宗以開成五年正月崩是月武宗即位明年改元會昌序稱開成五年皇帝昇極謂武宗也碑以是年立嗣是會昌五年即詔毀天下佛寺僧尼并勒歸俗此寺以禹故當不毀而社中九品人懼罹禍或瘞其碑蓋至今一千五十餘年始復出土故鋒穎完整如新云十二月二十二日知紹興府事漢軍徐

榮鐵孫記

在碑左  
空處

右碑上層刻序下九層列九品人姓氏文云募一千二百五十人結九品往生社碑列姓氏僅一百廿五十舉其一以一人轉募九人爲社長也碑書



會稽作會計史記夏本紀禹會諸侯江南計功而

崩因葬焉命曰會稽會稽者會計也水經河水注

云禹合諸侯大計東治之山因名會稽漸江水注

云禹合諸侯計于此命曰會稽又周禮大司馬簡

稽鄉民宮正稽其功緒注皆曰猶計也碑字多俗

譌社作杜標題如此冕作冕英作吳十七行強作強餘不

悉舉募作慕同音假借

司徒李光顏碑

開成五年八月十四日萃編載卷一百十三

額題唐故河東節度使守司徒兼侍中贈太尉謚曰忠李公墓之碑二十四字正書

經始大厦

缺經始二字

号阿跌氏

缺跌字

命公討叛

缺公字

輔車

爲固缺固字俾公旋止缺公字而斡自息缺斡字左門槍缺槍字

安敢讓辭缺安字六踐台席□□我□缺我字屹如長城外

三字莫之與京蒼生句之上四字缺□水湯湯兵□□□缺兵字

太子賓客趙夫人夏侯氏墓誌

方一尺三寸八分廿五行行廿六字字徑四分正書篆蓋題唐故夫人夏侯氏墓誌九字在襄陽鹿門書院

唐山南東道節度惣管充涇原防秋馬步都虞候正議

大夫檢校太子賓客上柱國趙公 亡夫人譙郡夏侯

氏墓誌銘 并□

鄉貢進士唐正辭撰

夫人之先譙郡人後移貫深州樂壽縣昔武王尅商封  
夏禹之後於杞列爵爲侯伯厥後因爲夏侯代漢有滕  
公諱嬰佐 祖定天下子孫益熾冠冕弥盛國史家傳  
粲然可觀曾祖諱載滄州長史 祖諱瓘試太子詹事  
滄景節度都押衙考諱萼試太常卿充冀州南宮鎮遏  
兵馬使皆先材茂器移孝爲忠夫人紹餘慶於千年傳  
遺芳於三代備謙柔之行稟純淑之姿舉不違仁動皆  
合禮既笄年之歲歸于 趙氏克叶關雎之興允諧鳴鳳  
之求 趙公以文武全才述職戎府公家之事不違辰  
甯 夫人內睦姻親外承賓客輔佐君子清風穆然斯

不謂之賢哲之行歟期天降鑒介以肩壽魚軒象服夫  
貴妻榮爲龍爲光焜燿閨臺何啻年始知命奄歸下泉  
積善無徵吁可痛也以開成五年六月廿六日邁疾終  
於襄陽縣明義里之私第享年五十趙公愬戎淫上式  
過西蕃王事靡鹽瓜時未至夫人瞑目之際不及  
撫床之哀窅窅之辰莫展臨棺之慟人之知者孰不爲  
之傷嘆焉以其年十一月癸酉朔廿四日甲申龜地叶  
吉葬于襄州鄧城縣支湖村之東嶺禮也長子宗立當  
軍節度散將次日宗本鄉貢明經次日宗元次日宗式  
咸稟慈訓且服教義宗立宗元侍從防邊宗本宗式躬

護喪事必誠必信禮無悔焉爰以 夫人德行來請銘

誌塚于貞石庶千載之後徽猷不忘恭副孝思乃為銘

曰

猗歟夫人 植操無隣 孝由天性 義行人倫 德

行聿脩 徽猷日新 如何不吊 奄謝芳塵 展矣

良夫 護塞從軍 窀穸有期 歸路無因 樊城之

陰 漢水之濱 卜得鮮原 崛起孤墳 秋草萋萋

逝波泔泔 德存于石 磨而不磷

按趙公夫人夏侯氏墓誌銘唐正辭撰題列趙公官

職而不著其名開成五年回鶻款塞防秋正警趙公

惣戎涇上式遏西蕃即是時也舊唐書地理志深州  
樂壽漢樂城縣後魏改爲樂壽隋屬河間郡永泰中  
屬深州又襄州治襄陽鄧城漢鄧縣屬南陽郡古樊  
城也宋故安養縣天寶元年改臨漢貞元二十一年  
改鄧城代宗三年改元永泰貞元廿一爲德宗末年  
夫人當文宗開成五年年五十則生於貞元六年時  
樂壽已屬深州而終於臨漢改鄧城之後碑誌與史

悉合

金石  
續編

碑有誤癸酉朔則廿四日是丙申非甲申甲申乃  
十二日廿四日是甲申則朔日值辛酉非癸酉攷

通鑑目錄是年十月癸卯朔則十一月值癸酉朔是也甲申乃丙申之誤篆蓋九字續編失載瓜時續編作瓜期傳寫亦訛宏作宐底作厶壺作臺岡作嵬皆別體琢疑即琢字餘不悉記元和姓纂後魏左光祿夏侯道謙爲譙郡太守子孫因家焉誌云夫人之先譙郡人蓋出道謙之後也

陳少公母蔣氏墓誌

方一尺三分廿一行行廿一至廿六字不等字徑四分許正書在江都王氏

陳少公亡太夫人蔣氏墓誌銘

并序

進士呂貞儉撰

在前行下

夫人族本樂安鄆府節度押衙兼御史中丞裕十七代

孫派流遠裔簪紱相承 祖脩皇虔州贛縣尉 父政

好游山水志考諸文棄業從途終于虔州夫人即公之

第四女也少而孤露育于母手每思其親常哀咽不食

而竟夕繇是親戚咸哀而異之性直窳言喜怒未常見

於色及笄歲嬪于陳氏性仁溫孝能奉舅姑於娣姒之

間偏沐撫愛姑常謂之曰蔣氏新婦解吾意每所動用

皆合吾心此乃婦德也有子二人一男一女女出侍江

家男季端娶故徐州彭城縣尉劉氏第三女也有孫四

人長孫師貞次孫宮十李老金娘等自夫人於開成五



年六月中旬卧疾伏枕至今春漸將逾殫知大期向終  
願爲其男曰吾氣力頓衰殆將不起夫礼節廉讓汝粗  
知也吾終之後汝主奉家業當謹節温勒無哀毀此即  
吾瞑目無憂子遺此示向勿而終享齡六十九矣以其  
年春二月十三日甲寅寔神卜兆于江陽縣嘉寔鄉北  
五乍之平原禮也嗚呼泉扃一奄邈于千古蕭々松柏  
煙伴愁雲宿々孤魂路乖親戚嗣子季端恐陵谷干變  
乃尅石紀銘其詞云尔 其一曰  
漠々春雲歸無處所 悠々大川賢愚一路 夫人德  
行奄忽朝露 刻石紀銘以永千古 其二曰 悅々

魂遊逝水 森々墳聳荒川 望愁雲兮氣絕 號叫

聲咽空原 會昌元年二月十日記

誌立於會昌元年敘云其年春二月十三日臨文失檢矣是年二月壬寅朔千支正合顛作顛俗政字缺一筆當是家諱窠乃寡之俗勒當是勤之誤泉扁一奄不作掩說文奄覆也猶見本義窅窅孤魂借窅爲杳怳怳魂遊怳怳古今字

趙夫人河內張氏墓誌

方一尺一寸二十行行廿三至廿八字不等字徑四五分正書

唐趙公夫人故河內張氏墓誌銘 并序

鄉貢進士沈櫓撰

此行在  
標題下

夫□人不□□物通□阜俗与廿俱行孝敬存家令德

彰茂夫人河內郡□□雲陽人也夫人幼閑軌則門望

之崇既笄之年歸于天水趙公之□□夫人□□母教

動叶禮義處室也功容允明辭家也德言咸著四者備

□□婦道乎何有方期地鳳皇之吉頌螽斯之宜內外

嫺戚莫不□奉何□邁沉□大夜將奄時春秋五十□

□以會昌三年歲次癸亥正月廿四日終于長安里返

壽坊之私第□夫趙公家廿儒流□聞風雅四男成長

二子躬室兩女有家長□□□府□□州□陽縣主

簿官貞政理鍾鼎是期次男師牧師□師運皆□以□

力□助會叅甘旨不虧長女幼適河內張宥正定遠將

軍前光王府典軍次女早適樂繁任濠州定遠縣尉並

溫溫潤德悌睦謙柔送往慎終僉悲薤露□夫以其年

五月□六日窆于京地府長安縣小嚴村之原禮也恐

陵谷遷變□廿湮淪故刊于石以誌綿邈其銘曰

洎乎有歸 逝于德輝 令望益著

殲□□矩 孤貞四被 天不憖遺

誌彼泉石 名留不糜

安子書

宜郎篆額

閏郎刻字

右趙公妻河內張氏誌在長安趙公不詳其名沈  
櫓撰安子書宜郎篆額閏郎刻字安子宜郎閏郎  
疑皆趙氏子或小名也古誌石華載此刻標題內  
脫公字首句缺人不二字咸著誤作咸備下缺者  
脩二字道上缺婦字乎誤作于內外下缺嫺戚莫  
不四字并缺奉字何下似是條字誤作以并缺道  
字趙公上脫口夫二字夫上似是悲字牧誤作牧  
會上缺助字張下缺宥字典誤作曲縣尉上缺遠

字睦上缺悌字以其年上是口夫二字誤作一即  
字銘詞內缺矩字茲悉据石錄之又母教上作女  
宗二字聞風雅上作夙字五月下作廿字廿湮淪  
上作家字黃氏書多以意增損者未敢据以補入  
又沈下似是極字長下黃氏有男師二字以余所  
審師字當不誤師上不似男字似曰字姑闕之攷  
新唐書雲陽縣屬京兆府京兆郡然則雲陽上所  
缺當是京兆二字上言河內郡者蓋夫人之族望  
也夫人之婿張宥正列銜稱光王府典軍光王者  
元宗之子瑊所封爵見宗室世系表樂繁列銜稱

濠州□遠縣尉攷濠州本作豪元和三年改從水  
旁其屬有定遠縣本名臨豪武德三年改稱遠上  
所缺其為定字無疑延壽坊在長安街西裴異宅  
成安公主宅均在是坊

五大夫新橋記

高七寸六面面廣九寸各十一行行九字字徑七分  
行書第六面刻姓氏一行行立幢記并題共九十一  
行行十二字字徑四分餘正  
書在上虞五夫虹橋南岸

五大夫□內二所 新橋記

匡廬山野人余球述

汝南周援書

夫山嶽降靈非大聖無由開化適化所有非釋教無以

導心於是會稽東不遠七十里有大澤曰虞江、之東

南廿里有草市粵五大夫在鳳山南面山則連環朝仰

如君臣相挹有序冠統雖異人莫能測本因焦氏立瑩

於此孝感上聖而為名焉故其地也聚天下之巨

鬻天下之貨市之南崗則德興村大雲寺置莊於茲市

之北新江路、通於市則黃山河古人以行之將接行

旅為不滯之由緣不壯不麗危而且險或遊童牧豎登

陟於此多悞斯墜墮以父母兄弟相仆為民所病時

大雲寺常雅公本吳郡富春孫氏因宦徙居金華為上



人少小聰慧知釋教之可歸中歲從緇心若冰鏡或全

鵝珠窮阿難之妙音洞迦葉之微旨既見我 皇帝

乾元啓運布德維新遂乃發心慕緣造茲橋二所其橋

上臨星斗下跨洪流資萬世之妙因旌千秋之勝善時

有前溧水尉彭城劉公日阜發心造斯滕幢共議卓

立南岸用彰永福□□□

□□太子獄牧縣宰父師僧十室長幼資其冥福使

億劫著善為行旅揭厲迺炎送餞賞翫怡神者哉時

廉使李公仁風遠扇卧牧百城邑大夫 王公

術過烹鱸軫嵇琴於棠樹 丞公簿尉諸公有仇香之

異能同梅真

之惠

化并州

縣職吏及市內尊幼四村檀

越

並入龍兄弟三虎子孫共植勝因同崇廣福

會昌三年歲在淵獻月屬無射二十有九日建

清河張

太安刻

字

□唐會昌三年

建此幢至五年八月奉

勅毀寺其

幢隨例

亦毀

至大中

即位元年佛

法重興

至四年

庚午歲秋七月

九日前宣

州溧水尉劉臯与當

闡闡

信士

等同慕緣而再建立

於五夫橋南

□丹艘同圓

伏慮代

□□□

後人

不曉遂剋金石聊

□□□廉使

李令常

□□

主簿

羅

尉李

鄭

□□

將鄭 勾當陳繼宗馮招

錢玟上虞金石志略常雅全唐詩無傳載有題伍相廟七律一首劉臯全唐詩小傳宣宗時鹽州刺史爲監軍楊元玠所殺此云溧水尉生與同時宦轍各異周瑗嘉泰志作周授誤 按此刻嘉泰志云石不存寶慶續志云刻於市中一石塔之下前志蓋未嘗見也然續志知有此記而不載其文孔延之會稽掇英集詩文多由搜巖剔藪而得亦復見遺若金石家更無從箸錄者余得是刻惜其間有殘缺沈復粲藏有正統上虞縣志具載全文因得補錄完善爲之愉快

其德興村大雲寺黃山河諸名皆地志所不詳宋張  
湜雲溪雜記會據此刻辨五夫非秦封松處曰上虞  
有村市曰五夫故老云有焦氏墓於此後五子皆位  
至大夫因而得名紹興間王十朋作會稽風俗賦有  
楓挺千丈松封五夫之句疏干下云上虞有地名五  
夫始皇封松爲五大夫之處余嘗見道旁古石塔有  
刻字尙可讀迺會昌三年余球元誤所記乃知五夫  
之名實由焦氏惜乎十朋不見云云觀此金石之爲  
功非淺鮮矣記中曰作粵募作募刻作尅皆以音同  
通用其稱廉使李者以唐太守題名記證之記撰於

會昌三年廉使乃李師稷後記在大中四年廉使乃李衷也草市之稱亦見元微之長慶集自注云平水鏡湖南草市名蓋唐人呼四鄉之市為草市云

越中金石記

据越中金石記此記刻幢上上截為會昌三年劉臯造幢惜未拓也石較杜氏所見尤多殘泐据杜氏補注之其中不無可疑耳

能禪師石室銘

高二尺五寸五分寬一尺七寸二分九行行十二字正書篆額 能禪師石室銘六字

能禪師石室銘

造  
會三年

自有此山即有此窟火不能焚水不能沒能師矻矻勞  
心若骨誓□山僧鑿成禪室室成誓首焚香白 佛顛  
此石室不崩不窒與僧安禪與劫終畢猛獸勿入毒蟲  
瘳出不葬死僧不捫鬼物□違是銘得罪如律

□□月廿三日前進士李祝書

京畿金石考載趙州能大師碑宋鼎撰史惟則分  
書天寶十一載立又見於邢臺邢臺又別有曹溪  
能大師碑見寶刻叢編

八瓊室金石補正卷七十三終



八瓊室金石補正卷七十四

男 繼輝校錄

太倉陸增祥撰

吳興劉承幹覆校

唐 四十六

米氏女九娘墓誌

方一尺五分十五行行十四五字字徑五分蓋題米氏女墓誌銘六字字徑一寸七分俱正書在揚州岑氏

唐故米氏□娘□□□ 并序

米氏九娘子其先□□□□□郡□□□父諱甯米氏即

君之室女貞□温□□家孝行幼□聰明□生俱□□



□□睦□□然親族無不欽傳□□熙□身閨室令  
 則高門□□於家至行無□何期不幸遘疾□以會昌  
 四年七□□五日終於揚州江陽縣布政里之□享年  
 世有一嗚呼長及笄年未娉□□兄親泣血哀號六  
 親悲切行□過傷嗟□以當月十九日殯于城□□絃  
 歌市之平原祀也恐陵谷遷改刻□□□不朽焉銘曰

□□照□ 青松瘞□ 生死有限 □□□□□

□□□□□ 傳今

右米氏女九娘墓志石在甘泉岑氏壬申冬汪硯

山均鑿以拓本寄詒未見箸錄文云終于揚州江陽  
縣布政里之□殯于城□□□歌市之平原當在  
江都出土特未審其時耳

疊綵山題記

高一尺二寸廣一尺三寸十行行十  
字字徑一寸一分分書左行在臨桂

按圖經山以石文橫布彩翠相間若疊綵然故以為名  
東直二里許枕壓桂水其西巖有石門中有石偽故曰  
福庭又門陰構齊雲亭迥在西北曠視天表想望歸途  
北人此遊多軫鄉思會昌三年六月藏功南自曲沼上  
極山林四季七月功既

四望山題刻二段

在臨桂

四望山題記

高一尺一寸廣一尺二寸七行行七字字徑一寸三分書左行

山名四望故亭為銷憂亭之堦後綿絡山腹皆溪梁危

磴由西而北復東上疊綵右崖至福庭石門約三十餘

步

右刻俱在臨桂疊綵山一刻疊綵前岩石壁上方一

刻四望山四望乃疊綵之支峰耳其左一峰為干越

山晦亦有見桂勝今不可得山為匠石取材疑灾斧

斤矣唐書宰相世系表晦為稹從子全唐詩傳云會

昌初桂管觀察使終散騎常侍桂林風土記謂晦搜

達金貂翱翔翰林揚厯臺省性好岩沼時恣盤游於  
時潞寇初平四郊無壘公私宴聚較勝爭先美節良  
辰尋芳選勝管絃車馬闐隘路隅今覽諸記略可想

見焉

廣西通志  
金石略

右疊綵山記在臨桂又有四望山記即疊綵山之支  
峰粵西金石略以爲俱元晦撰未知何據碑藏作藏

亦異文

平津讀  
碑記

四望山題記與前刻出一人手筆無書撰姓名廣  
西通志謂元晦所爲當非無據志又載元和九年  
馬日温題名今未見

四望山題榜 高二尺五寸廣一尺二寸直  
榜三字字徑八寸許篆書

四望山

四望山在疊綵岩之右有四望山三篆字 廣西通志

永樂丞韋敏妻李氏墓志

高一尺七寸廣一尺八寸八分廿  
二行行廿一字字徑四分正書

唐故河中府永樂縣丞韋府君妻隴西李夫人墓志銘

并叙

鄉貢進士于瀆撰

夫人李姓燉煌遠孫曾祖承家皇越王府司馬祖庭琇  
皇朝散大夫太子典膳郎父袞皇虔州刺史賜紫金魚

袋夫人即衮之第二女生河東柳氏嫁京兆韋敏敏先  
夫人而歿夫人為女淋為婦幹奉釋仰道雖緇衣黃冠  
不能嘉也諸六親奉八敬假假然不搖其儀擿幼指卑  
人則窮善夫之前媿有女有男撫育煦暖雖熟知審識  
者亦不辨其罪出也四十五年稱未亡人計生活於郊  
屋荆扉瓦牖食音糲羹藿屑不感澁怡然若居朝市  
食香脆也開成四年八月廿二日無疥不痛疊足如寐  
沒于京兆府雲陽縣龍雲鄉章之舊業享年六十六隣  
里鄉黨慟若己屬用會昌五年正月廿四日葬于興平  
縣茂陵鄉肺浮原接先夫人適章門章敏第三娶是不

早耐夫人已無有出韋前室男曰通娶李氏官及成都  
新繁尉女曰婉妻滎陽鄭氏皆前夫人而終通之子嗣  
實茂實皆順而孝悲奉葬具已得兆時祈外兄鄭茂卿  
請識墓於京兆于墳墳於鄭之親亦鄭於  
韋之類也是為銘曰

嘻夫人 生有云 女良族 婦德門 折有儀 揉  
不紛 跋道釋 瞭無昏 母厥家 法可尊 嗚呼  
兮 復其魂 遂安兮 宥有墳

右永樂丞韋敏妻李氏墓志當在西安興平出土  
韋敏及其子孫與夫人先世皆無考夫人曾祖為

越王府司馬梭太宗第八子貞封越王肅宗長子  
係亦封越王以時代約計之此所稱越王當尙是  
貞之後嗣也夫人没于雲陽葬于興平興平亦屬  
京兆府不能嘉也以嘉為加夫人前媿媿卽妣字  
前室稱妣不合亦不辨其罪出也罪為誰之誤撰  
文者于瀆見宰相世系表字子漪官泗州判官憲  
宗相于頔弟冀之孫

華景洞李珣等題名

高一尺一寸五分廣一尺九行行字  
不一字徑八分正書左行在臨桂

郴州刺史李珣

桂管都防禦巡官試秘書省校書郎



元充

會昌五年五月廿六日同遊時珏蒙

恩移郡之任桂陽校書以京國之舊邀引尋勝男前  
京地府叅軍階進士潛譜措從行

右李珏題名其文云云凡九行自左而右刻於粵西  
之風洞甲辰歲袁簡齋游粵中搨以詒予攷新舊二  
史載珏罷相後事多相牴牾舊傳云武宗即位之年  
九月與楊嗣復俱罷相出爲桂州刺史桂管觀察使  
三年長流驩州大中二年徵入朝爲戶部尙書出爲  
河陽節度使新傳云武宗即位爲山陵使罷爲太常

卿貶江西觀察使再貶昭州刺史宣宗立內徙郴舒  
二州以太子賓客分司東都遷河陽節度使今據此  
刻珽移郴州刺史在武宗會昌五年則新史宣宗立  
內徙郴者已不足信舊史并脫漏移郴一節矣通鑑  
會昌六年八月以昭州刺史李珽爲郴州刺史宣宗  
以是年三月即位與新史相應以石刻證之則新史  
與通鑑皆誤也據通鑑珽自桂管觀察貶昭州刺史  
舊武宗紀則云則云貶端州司馬初無長流之事舊  
傳云長流驩州尤誤新史云貶江西觀察使江西當  
爲桂管之譌因題此碑并牽連書之

潛研堂  
跋尾

右李珣等題名在臨桂華景卽風洞也李珣字侍  
價史有傳傳不敘其子宰相世系表珣有四子階  
度支判官兼殿中侍御史弱翁鹽鐵判官兼監察  
御史普字昌之兗海從事校書郎愈密尉除階之  
外名俱與此不符普疑譜之誤弱翁及愈或後來  
改名至史傳之誤錢先生言之詳矣李珣有神道  
碑在偃師所敘歷官自當詳備惜未得拓本再為  
攷證也

柳氏殤女老師墓誌

高一尺三分廣九寸八分十七行行  
十七字字徑四分許正書在長安

唐故柳氏長殤女墓誌銘

并序

兄中散大夫權知京地尹上柱國賜紫金魚袋仲郢

撰

嗚呼天不與壽而生不能成其美者

我家之殤妹名曰老師是也會昌五年五月二十一日  
友于昇平里第享年一十有六兄仲郢見任京地尹以  
爲家有 廿祿著于族係

官諱嚴重不敢□書蓋亦以彰幼而有知之體粵以六  
月二□一日瘞于杜城村淮經制也兄仲郢揮涕執筆  
誌其石云

惟我幼妹

中和率性

粵在孩提

自知誠

敬

名滿姻族

謂宜承慶

天何難達

福乃遄罄

人之有生

脩短前定

其附陰

隲

豈不助正

今茲我忽

綿歷疾病

徒言稟授

實感余聽

城南別業

□地開

逕

臨穴于此

保尔安靜

仲郢字諭蒙其為京兆尹傳不詳何年傳稱奏拜

此稱權知殆先權後拜也

宣功參軍魏邈妻趙氏墓誌

高一尺六寸五分寬一尺六寸廿八行行廿三至廿九字不等字徑五分行書在咸甯

唐故宣功叅軍鉅鹿魏君夫人趙氏墓誌銘

并序

前延州防禦衙推文林郎試左驍衛兵曹叅軍王

傳撰

公諱邈字仲方廿本云秦改魏為鉅鹿郡也後徙家于山南今則洋州興道人也昔周建侯王是稱盤石

國命良相謚曰文貞公泊枝派初分導自洪源之注蘭蓀並板時為銓藻之芳祖賓父朝隱皆散儒術諒識宏深高樂園林自求野逸公孝達叅閱學茂游夏稟志孤貞潔行端操頃因人仕多為台鼎廉察之知累以德藝精粹聞於

天庭始奏授懷州叅軍次選授果州司

戶叅軍

次任婺州司功叅軍  
次任宣州司功叅軍

凡歷四郡皆以直道佐理

惠洽優人官賴其能已受其福以茲樹善既至必獲神

休豈謂天喪貞良倏延荒瘵乃針石靡効寘齡苟乖奄

忽俄然盡爲松楸是則逝波湮沒而不還風燭泯光於

殘夜以元和九年十月十三日不祿于任壽年五十有

五卽十年四月護歸京地窆于萬年縣洪固鄉北車村

北原也 夫人天水趙氏考皇任壁州長史昇之仲

女也少習師保內則素彰懿淑茂儀柔順芳婉而乃夫

翼凌虛亡舟涉濟孟母彼美敬姜謂歟以會昌四年冬

偶嬰微疾殆踰累旬冬筭水魚日無不至十一月十五

遂歿于延州豐林縣之私第享年七十有五今以五年十一月廿三日護喪耐于萬年縣洪固鄉北聿村北原禮也有女四人 長適皇甫氏 次適李氏 次適侯氏 幼適王氏並早閑保傅克就柔儀女德婦功怡聲婉婉或逝水不返或婦言益嘉雖女史無□亦家諒自顯有子三人 長曰齊貢前任延州豐林縣令次曰圭贊前任劔州普安縣主簿幼曰文質任梓州永泰縣令俱以簪笏宦途學行清敏政則洽巨惠乃周物自糠□樂泉泣血絕漿晞護搗髮毀瘠終制及靈昇南邁哀戀北堂禘嘗之儀晝暮增潔竊以鷹行式序祈誌永年土



木非剛刊石為事儔每媿孱薄冲讓未獲辱命柒翰為  
詞頗難銘曰

黑水之西 終山之北 厥土上上 人惟温

克 鄴謂之先 秦風是則 簪笏所繼

其儀不忒 淋慎佳美 咸曰貞廉 婦禮弥

著 母德式瞻 家以議徙 子以道謙

未獲榮養 奄弃恩嚴 豈曰盛衰 抑奪人

愆 千載之後 悲此山曲

魏邈墓其子匡贊已誌之矣此誌為其妻趙氏耐葬  
而作題魏君夫人墓誌而前幅敘邈官履甚詳仍為

合葬誌也匡贊誌云授懷果二州參軍皆未上而此云凡歷四郡皆直道佐理所載已失其實又匡贊誌載子三人長卽匡贊仲曰文質季曰齊貢而此誌則稱長曰齊貢次曰匡贊幼曰文質兄弟之序顛倒至此作者偶誤其家人亦不更正何也匡贊誌云女三人而此誌則曰有女四人長適皇甫氏又爲匡贊所遺一家之事二石互異考據家欲據衆手共成之史辨論千古得失不亦難矣哉誌首所稱文貞公乃唐初相國徵也誌中振作振儒作儒粹作粃寘作寘剛作剛號避虎字諱作豨世巨字以避太宗諱缺筆古

石華

右墓志王儁撰道光戊子三月予自吳門碑估處購得文中次任婺州司功參軍次任宣州司功參軍十六字脫而補刻於旁攷魏姓本周武王弟畢公高之後畢萬仕晉封於魏因以爲氏廣韻云出鉅鹿任城二望今此誌引世本秦改魏爲鉅鹿郡又云後徙家於山南今則洋州興道人是魏邈之望出於鉅鹿也又云國命良相諡曰文貞公者卽太宗時相魏徵也志首題云宣功參軍者卽宣州司功參軍也邈於元和九年十月卒於宣州司功參軍之任於元和十年

十月歸葬萬年縣洪固鄉北韋村後至會昌四年十一月其妻趙氏歿於延州豐林縣於五年十一月祔葬北韋村王儔始爲作志銘志叙其四女於三子之前或因女皆先生長於其子也而又贊美其女至三四十言之多可謂允蕪無識殊失行文之體矣志文不足取而書頗渾厚圓勁惜無書人姓名此刻世本之世及二民字皆避諱闕筆參閱之參與參軍之參皆作叅是唐人讀曾子之名與參軍同矣此與元和十五年韋端志皆云葬萬年縣洪固鄉而前人未有著錄者蓋皆近日土人發掘得之始傳於世也長安

志載萬年縣洪固鄉管村四十八此北韋村蓋其一

也

古泉山館  
金石文編

案魏邈夫人趙氏墓誌銘王儔撰邈葬時子匡贊自撰誌銘所稱今年其年明年不詳何年前跋定爲元和十年者以歲次乙未推之證以此誌更爲明著二誌中有互異者邈誌云不復知先人之事此誌上溯良相文貞公則託於鄭國公魏徵之後邈誌云寄居京兆咸陽縣此云徙家山南洋州興道邈誌云葬萬年縣畢原此云萬年縣洪固鄉北韋村北原邈誌云趙氏試壁州別駕昇之女此云壁州長史昇之仲女

其尤所不解者邈誌云女三人長素恭嫁李氏仲季  
風嫁侯氏季季雅猶未從人兒三人長卽匡贊仲曰  
文質季曰齊貢此云女四人長適皇甫氏次適李氏  
次適侯氏幼適王氏子三人長齊貢次匡贊幼文質  
女適王氏者當卽季雅而長適皇甫者何不見于前  
誌且列齊貢於匡贊之前以季子爲長長子爲次次  
子爲幼雁序悉紊又何說也元和郡縣志宣州江南  
道宣歙觀察使管洋州領興道縣山南西道節度使  
管懷州河北道河陽三城懷州節度使管果州壁州  
並山南道婺州江南道浙東觀察使管延州領豐林

縣關內道鄜坊節度使管劍州普安縣梓州永泰縣

並劍南道東川節度使管

金石續編

石華載此志標題宣下多一州字術作行頃作須  
苟作益壁州作婺州普安作青女昇作車均誤粹  
本作料右從平而作粼號本作豨而作豨上從么  
亦非又缺家諫自顯之顯棘口樂貞之棘樂茲悉  
據石本錄之不還上石華作而字樂貞上似是心  
字姑從其闕此誌與魏觀誌不符諸家已言之要  
以觀誌為憑觀誌匡贊自撰不舛誤也序尾有鴈  
行式序之語下又云為詞頗難豈有故邪又續編

宣功作宣州宦途作官途祈誌作祈請曩未校正  
并誌吾過

劉舉墓甄誌

方九寸八分十二行行字不一  
一字徑六分正書在江都

唐故劉府君墓誌 并序

府君名舉彭城人也 曾祖臯 祖通 父良 三代

並皆謂居清顯隱于邱陵 府君承家禮讓立性溫和

內外之親皆傳人孝兄於四海朋友能賢何期不幸染

疾累歲至於大中元年八月六日終於江陽縣仁風坊

之私第春秋 夫人太原王氏有男一人名師貞女



一人適于王君孤男孝女泣血號天即以八月廿一日  
埤厝嘉甯鄉五乍村之原

府君在生 壽祿而榮 先造其墓 逝矣寘之

謂居清顯謂者位之誤皆傳人孝人者純之誤春

秋下空闕不書鄉人草草為之耳

周公祠靈泉記 大中二年十一月

萃編載卷百十三

十七日 缺十 失畫 畫作 不朽 朽作

太子太傅贈司徒劉沔碑

高五尺七寸二分廣二尺八寸五分三  
十七行行六十五字字徑七分正書

唐故光祿大夫守太子太傅致仕上柱國彭城郡開國

公食邑二千戶贈司徒劉公神道碑銘 并序

朝請大夫守左諫議大夫上柱國賜紫金魚袋韋搏  
撰

金紫光祿大夫左散騎常侍上柱國河東郡開國公  
食邑二千戶柳公權書

翰林待 詔朝議郎守越州都督府司馬上柱國  
唐元 模勒并篆額

公諱洸字子汪其先彭城人廿為將習孫吳兵法皆以  
騎射善鬪名聞開元天寶間 公覽群書工春秋 氏  
傳雅厚 對謙謹 夙有大志卒成功名曾祖元銀

青光祿大夫檢校太子賓客利州長史兼監察御史史生

王父嵩銀青光祿大夫檢校國子祭酒刺史兼侍

御史無時號平雖功甚顯忠厚

積慶必大其肩是生皇考奉天定難功臣興元元從驃

騎大將軍行左驍衛大將軍兼御史中丞上柱國東陽

郡王食實封百戶贈左僕射時紆夔起

於輦下嘯呼叛寇狂刃指闕六軍無素

大駕西幸僕射公與侍中下磨泐約十餘字

德宗皇帝于奉天縣分守壁壘力戰前後凡數十合賊

不敢進其界地公僕

射之□子也生知慈愛馬□□不以金玉寶橐中居僕  
射壘哭無時親戚僕役給所奉外餘財封植松檟無所  
留制終杖劍北遊□單于□□□□□□□□□□  
朝希朝與語□□□□□□□□□□□□□□□□  
堦下希朝目之使與聖指其衆曰 此子他年必有

吾位 公戰竦拜謝軍中□□□□□□□□□□□□

□□□□大將將□□□□□□□□□□□□大夫檢

拔左散騎常侍兼將軍知軍事公善射能擊毬與其輩

角技公場數勝群輩企羨屬目□□□□□□□□□□

□□□公慨然□前興軍□□之□□□□□□□□前

後高下大和元年□月十七日遷大將軍依前知軍事

嚴慎簡重恩威洽肅動靜規矩一皆法度

□□□□□□<sub>郵</sub>數四□涇原北庭□□□□□□□□

□□月十七日以北地<sub>危</sub>急藉公威聲 詔守本官移

理振武涇人惜其去閉壘留乞公曰□□□□□□□□

□□□□□□□□振武也軍中將□□□□□□□□

□□□義稍相解諭會傳鼓□自 闕來公給之迎迓

別眾出前揖其使遂鞭馳數十里入振武城□□□□

□□<sub>開成</sub>三年突厥□□□營田公□□□□□□□□

□□□□□□歸戰卒故士卒樂其□公善緝破碎不事

冗長無虛費誇飾故廩盈而庫實人閑而力足築都

□□堡及□□□□堡□計錢百餘貫空

文宗皇帝嘉能軍 詔曰卿材膺將帥道茂公忠立城

堡於要衝禦蕃戎□□□□□□之□言□□多志皆支

持不更論請□□□□□□□□□□業而出群何能

臻此 其年九月十七日加戶部尚書五年三月十六

日檢校 其年迴紇□天德□□□□ 詔公權領天

德軍與振武之師據雲伽關□□邊歸賜緡錦銀綵監

軍使劉元政大將百姓僧道耆老蕃部首領具公休績

聞於 朝請建碑紀公抗表□謂無勞□□虛□

□芳藹之遺實焉會昌二年春迴紇又入天

德掠太原

振武北界

下空

詔兵部郎中李拭往視經略器備城戍且觀其節將之  
能否使還實辭唯公可委三月廿三日以本官除河東

節度使五月迴紇寇雲州六月出太原之師九月

下空

制兼充招撫迴紇使其時徵四方之師已集命公指揮  
進退遂屯于鴈門關斬雲州失口將七人以徇然後分

部據險秣馬教射積食礪器練驍傑第猛力程其材而

任之頻

詔促戰公上表曰不及獻歲之初必見

誅戎之効

朝議不聽責戰益

誠筭既決堅正不撓

其年冬移軍天甯又移雲州得諜者曰迴紇已卜正月

一日將拔當晨謁都護府我併兵力攻必得其城食其

粟陰山漢南舊吾土可以爭衝取安上道公名朔州

刺史石雄馬步都知兵馬使王逢遊大金使劉万仝

令之曰與尔一万至安衆寨遇殺當戰復須以捷報

如乘其虛即盡虜妻男女牛馬倍道歸我比虜還已失

旂帳吾遣其登城呼之可一麾來降時三年正月九日

矣至十一日夜於殺胡嶺大破之斬首三千級得

太和公主還于上京降特勤王子二十人

汗達干將軍世餘人首領及俘纍四千餘衆牛馬駝



羊萬計犒旋加檢校

司

物議賞未直其功再加金紫

光祿大夫仍賜一子正貢八品官軍還次代州時歸義軍迴紇三千餘人并首領卅三人殺食諸道以

天子新與其號而又恃思忠 宿衛之寵不受 詔曰

我虜也死於此足矣南州不復往夜大呼連營擾呼池河叛公曰大權貴於合道是宜誅之不俟 詔旨奏

還果契 上意軍還河東六月又 詔領師南討澤潞七

榆社歸百姓男女五百餘 得昭義將李丕及健卒送

闕公以劉稹 江為鄰封從諫每欲濟師助我

今諸軍或不捷必貽論指目禍基此矣 上疏切言移

滑州節度使守本官會昌四年二月廿五日以万善之  
戰口尅 詔除河陽節度使領滑師二千人爲万善  
聲勢實欲公師爲自河陽又遷光祿大夫檢校司空鎮  
許昌 詔將到公曰吾聞無德而祿猶無基而厚墉不  
口何待稱疾堅去風 聞於 朝人不之知如卿士  
歎惜喧問相續除太子少保以不任 朝謝報復

除太子太保致仕又遷太子太傅辭榮知止或筋力不  
仁口年而請公纔齡六十口口三鎮口全力盛功高位  
尊恃勲名無驕德色日以盈滿是懼退休爲切二百年  
強祲一旦廓清北方無虞胡馬不牧閑室私第不妄止

出捫別墅素衣□馬從□數人道遇□貴必除騎屏□  
人仰□下聞風□退優遊自遂不思不戚以大中二年  
十一月七日遘疾薨于昇平里享年六十五

天子悼痛輟朝二日□□□□□□贈司徒公□

□長□□□神勇武毅為右神策軍押衙銀青光祿大

夫檢校太子詹事前蔣王府長史兼侍御史繼其家聲

不隕先業幼從□前左監軍衛將軍兼侍御史服□□

之□書千□□□公之愛□□禾遺祉及焉搏自殿中

侍御史改檢校司封員外郎佐公幕于太原從行營于

雲州周旋始終目覩盛績□言□□不□□□銘曰

旄頭耀芒爪牙用張繫公而功孰材可當厥惟匈奴軼

陸跳梁在咎不馴北方稱強既寂既擾如虜如□維公

□□□□以□□□□□類□□□□鳥無遺□獸無伏

藏□際萬里野寂三光休烈巍巍慊若無有 思

愧寵逾功慙祿厚二踈繫思五湖在慮不盈不傾□□

□□匪□□匪 □□□□□

李從慶刻字

唐太子太傅劉沔碑韋搏撰柳公權正書大中二年

十二月金石錄目

右唐劉沔碑按舊史云沔許州牙將也少事李光顏

為帳中親將元和中討吳元濟有功隨光顏入朝憲  
宗留宿衛歷三將軍鹽州刺史天德軍防禦使移振  
武節度使而碑乃云沔北遊至單于都護府謁節度  
使范希朝希朝署牙門將入右神策軍為大將累遷  
大將軍拜涇原節度使移振武蓋沔初未嘗為許州  
牙將從李光顏平蔡及為鹽州刺史天德軍防禦使  
皆當以碑為正新史所書悉與碑合疑史官嘗得此  
碑以訂舊史之失云

金石錄

右劉沔碑世七行行六十五字惟第廿七行多一  
字磨泐不可辨者三百餘字碑敘沔父不詳其名

據新唐書知爲廷珍史不言其兼御史中丞贈左  
僕射也碑敘沔功績悉與傳合其署牙門將入爲  
神策將均在泐處趙德甫所見有之傳云武宗立  
遷檢校尙書左僕射碑不言左僕射則碑略而傳  
詳也碑云檢校左散騎常侍兼將軍知軍事又云  
遷大將軍依前知軍事傳第云遷累大將軍則傳  
略而碑詳也碑云自河陽又遷光祿大夫檢校司  
空鎮許昌傳云進檢校司徒忠武節度使稍有不  
符碑又云除太子太保傳略而不載朔州刺史石  
雄新唐書亦有傳馬步都知兵馬使王逢見王沛

傅逢沛之子也殺胡嶺之戰石雄傳敘之極詳李  
丕劉稹及從諫等均見劉悟傳又案宏簡錄云從  
李光顏討蔡爲前鋒歷鹽州刺史天德軍防禦使  
蓋據舊史載之趙德甫已言其誤又云檢校右散  
騎常侍則誤敘於遷大將軍之後復誤左爲右其  
檢校司空則誤敘於迎還公主之時皆當以碑爲  
正至夢人授燭一事碑無一語言及或亦傳會不  
足信耳

贈工部尚書張仁憲碑

高七尺五寸廣四尺五寸廿九行行六十二字字徑  
一寸三分分書篆額題大唐故贈工部尚書清河張

公神道之碑十  
六字在文安

唐故銀青光祿大夫檢校□□□□□□工部尚書清河

張公神道碑□□

上幽州節度□□□□□□察御史蔡陵書并篆額

天垂四序所以表成歲之功地別九州所以分代天之

治寒燠之運行叶度河岳之感應□□□□□□季

是故體五常而承五福贊九惠而□九功盛業克□於

旂常佳名攸傳於竹□□□□□□積慶必貽於後

昆祿不逮先孝思式崇於□□□□□□祖述

典暮焜耀今古傳曰□德若不當代其後必達人富哉



言乎□□□□  
空下

有□□□□部尙書張公孕靈鬱□□□□□□□□□□

□□□□□□□□□□之略宏圖□□□□□□□□□□之工

鸞弧倍六鈞之力輕財□義急□讓廉然諾信於友□

賙給行於州里不以弋□自□不以□□□□□□□□□□

□□□結駟□遊座列嘉賓□□□□□□□□□雲顧金

玉之藏比之於□□□如列土□若置郵語默順時浮

沈樂道僂俛從事逍遙不羈嘗仕本州歷居右職貞元

初 敕授銀青光祿大夫□□□□□□元四季薨於昌

平縣之□□春秋七十五旋窆於文安縣之西北安樂

原夫人扶風郡太夫人魯氏左廂兵馬使太子詹事福  
之女行符箴頌禮具蘋□□□□□□□□□□式追於石

窳後 公廿二季而沒至是耐焉禮也公諱仁憲字仁

憲其先清河人□查相韓文成見稱於漢代三台輔晉

壯武克大於當時昭□□□□□□□□□□州刺

史封清河伯遂處于燕下空

□父諱佐明皇宣威將軍□幽州□□府右果毅都尉

烈考諱元皎宣節校尉幽州□□□□□□□□□□

□□□□□□□奕卉載德克□前脩暉華闕閱之門錯

綜崆峒之秀元子諱寂無祿早查 嗣子諱光朝

冠軍大將軍行左威衛大將軍□□□□□□□□□□

□尚書訓稟義方才推命 查學該典禮識洞機符倜儻

不羣洞達無撓出則摧戎狄屈則究韜鈴珠履常館於

三千鐵衣時駢於十萬□□□□□□□□□□□□□□

許國銀黃坐致□筑自娛膺福履以樂天埥□□□□□

歲積□垂範高朗令終誕生元臣為國巨防 兵

部嗣子仲武□幽州□□□□□□□□□□□□□□□□

□經略盧龍軍兼充招撫廻鶻使銀青光祿大夫檢校

司空同中書門下平章事兼幽州大都督府長史蘭陵

郡王食邑貳□戶□□□□□□□□□□□□□□而緝□

□國立言而金玉 王度嚴干戈以衛社稷推豕

象以究天人側席求賢勞心致理厯階清□夙奉

鴻□泊授鉞專征□□□□□□□□□□先論道三台

之列破獯鬻之衆帳盈七千拓鮮卑之壇地開千里七

狄稽顙百蠻投誠□國□□承天八柱實生靈之藻鏡

為□□□□□□明□□□□□□□□尊譯被 壹

宗並受專城之寄 伯氏諱仲斌皇荊州刺史□塞軍

□田團 練等使兼侍御史 季氏仲至今涿州刺史永

秦軍營田團□□□□□□□□□□家寶蟬聯國楨□霸

為列郡之雄關羽乃萬人之敵相國有子曰直方國子

祭酒兼御史

中丞

荆州有子長曰□輔國子祭酒

兼侍

□□□□□□□□□□元幽都主簿□□幽州

參軍□長房有子曰沛早亡琇兼監察御史有孫曰惠

連兼殿中侍御史皆

珪

璋特達□□相望丹青克紹於

形

□□□□□□□□□□穆然清風高視羣品

下空

相國以逮事逾遠

華

修漸遙松楸既行琬琰未勒景行

□仰思心网

□是

伐石□山建□□□□□□□□

□熟

華宗授簡勒銘期於直筆

盛德

難名扣元

門

而常思墮淚誚聞強繹媿黃綃而徒媿受

辛終惟恐惶敢載銘曰

下空

自泮元黃卽垂□籍華宗上□奇謀異跡問道赤松受

兵黃石道著昭晰□流輝赫當塗代漢□□□□□□

□□作宰操刀國□□□代有英旄□□元魏清河昆

偶為郡臨燕卜□戴斗公卿窟宅□□泉藪史不絕書

才無□日惟唐八棊誕生□□揮

金滿路載德盈車清風穆若善價沽諸泳游道德蘊蓄

儒史功□□□名馳萬□不享眉壽不登貴仕道邁前

脩慶流後嗣克□令子寔日時□□□□□襟靈

業惟匡國□表過庭□□孝孫作下空

唐丞相肅穆鳳苑□□玉帳持衡任重杖鉞心壯龜鶴

齊季山河比□藉藉羣從□□德音□□□□□□

□雪□□□□□繁鄧林舊□松檟□追□□□□荒□

□□□□勒景鍾□刊□鼎金石既刻□□重炳

□□□□□□□□日癸酉建

唐張仁憲碑幽州節度掌書記李儉撰節度參軍蔡

陵八分書并篆額仁憲字仁憲官至太子中允其孫

仲武為盧龍節度使追贈仁憲為工部尚書碑以大

中二年立在文安縣集古錄目

碑稱祖佐明幽州游徼府右果毅都尉新唐書地理

志不載游徼府之名平津讀碑記

唐張仁憲神道碑李儉撰蔡陵八分書并篆額大中

二年立在縣相公莊

孫星衍京畿金石考

右張仁憲碑在文安縣碑已中斷上截又裂為二以銘詞計之每行六十二字年月只存日癸酉三字據集古錄知大中二年所立首行檢校下所闕為太子中允贈五字九行大夫下所闕為太子中允貞五字皆可據集古錄知之仁憲歿於貞元四年戊辰後廿二年元和十七年辛卯仁憲之妻魯氏卒又闕三十七年大中二年戊辰乃耐於仁憲之墓其孫仲武追述立碑距仁憲歿時周一甲子



矣此碑自集古錄後僅見於京畿金石考皆有目  
無文世所罕見辛未正月潘伯寅侍郎以拓本見  
詒亟讀而錄之案仲武唐書有傳云范陽人云舊  
將張光朝子云其弟仲至云子直方云大中初擢  
累檢校司徒同中書門下平章事皆與碑合惟碑  
云蘭陵郡王史云蘭陵郡公與碑微異要當以碑  
爲正史敘仲武官階云會昌初爲雄武軍使擢兵  
馬留後拜副大使檢校工部尙書進檢校兵部尙  
書皆碑所未及碑爲仁憲而作仲武歷官固宜從  
略碑云經略盧龍軍兼充招撫迴鶻使兼幽州大

都督府長史食邑三□戶皆史所未詳至史敘直  
方官階則在此碑之後碑言國子祭酒兼御史中  
丞則在右金吾將軍襲節度留後之前史皆略之  
碑言破獯鬻之衆帳盈七千拓鮮卑之壠地開千  
里證之以傳云回鶻特勒那頡啜擁赤心部七千  
帳逼漁陽仲武使其弟仲至與別將游奉寰等率  
銳兵三萬破之獲馬牛橐它旗纛不勝計又云大  
中初破奚北部及山奚俘獲雜畜不貲卽其事也  
回鶻傳亦載之云乃詔諸道兵合討盟沒斯以赤  
心姦桀難得要領卽密約天德戍將田牟誘赤心

斬帳下那頡啜收赤心衆七千帳東走振武大同  
因室韋黑沙南闕幽州節度使張仲武破之悉得  
其衆那頡啜走烏介執而殺之又云遏捻可汗裒  
殘部五千仰食於奚大酋碩舍朗大中初仲武討  
奚破之回鶻寢耗滅所存名王貴臣五百餘轉依  
室韋仲武諭令羈致可汗等遏捻懼挾妻葛祿子  
特勒壽斯馳九騎夜委衆西走較諸仲武傳爲詳  
也又案帝紀會昌元年十月幽州盧龍軍逐絳雄  
武軍使張仲武入于幽州二年回鶻可汗寇大同  
九月劉沔爲回鶻南面招撫使幽州盧龍軍節度

使張仲武爲東面招撫使大中元年五月張仲武  
及奚北部落戰敗之回鶻傳亦云詔劉沔爲回鶻  
南面招撫使張仲武東面招撫使碑但言招撫使  
不言東面者略耳仲武功績甚偉帝嘗詔李德裕  
爲銘揭碑盧龍以告後世鄭畋謂仲武會昌時功  
第一碑言七狄稽顙百蠻投誠者洵非諛美之辭  
焉後此一年仲武卒見宣宗本紀洪氏所見游徼  
府字今本已泐

冷泉關河東節度王宰題記

高二尺二寸廣三尺一寸四分廿九行行  
十八十九字字徑七分許正書在靈石

河東節度觀察等使光祿大夫檢校司徒兼太原尹北  
都留守御史大夫上柱國太原郡開國公食邑二千戶  
王宰

開成五年自隴州防禦使拜工部尙書節制邠甯至會  
昌二年蒙 恩換許昌節至九月自許昌統當軍驍卒  
泊河陽義成宣武浙西宣歙等軍兵馬充攻討使誅除  
壘關寇嗣至四年八月十日梟逆首獻 闕下蒙

恩將寵除左僕射至九月將歸許昌軍次溫縣 天使  
持節至又授 寵詔遷鎮北門十月過此至會昌六年  
上登 寶位蒙 恩加司空至大中元年奏以雲蔚朔

三州之腹為賊喉要故成舊封多所廢缺蕃寇奔突無所限礙又相厥土濃壤可出軍□遂疏其利宜請耕戰三城募卒六千休其事務農習戰永斥邊寇克富軍儲至二年九月秋成境肅 上錄其功 詔就拜司徒宰

以叨乘微効祗寄北都及今五稔日懼幸悔靡遑非據

遂瀝誠拜章乞覲 明庭既蒙 恩下允誠懇至十

二月十二日遂得祗 詔擁節趨 闕赴正 仗朝

聘之禮至明年正月十一日又蒙 聖旨將加光

祿大夫依前檢校司徒却歸本鎮至二月五日過此因

覽其重巒複疊積樹叅差汾水迴牙而潺湲天險蔽抱

而崇固可壯夫 翦菑 皇業万代之基駐旆關亭

吟睇移景又覩 中令河東公及相國 令狐公左揆

狄公相國 崔公來罷之題列遂輒紀其轉歷及往

復所自云

從弟節度判官殿中侍御史內供奉賜緋魚袋 坤

男前在司禦錄事參軍 嗣宗

並從行

此河東節度王宰以大中二年三月自京還鎮道經  
靈石追憶會昌年遷鎮過此因刻石紀行且彰功伐

也唐書本傳王智興懷州温人子晏宰從去晏獨名

宰累擢邠甯慶節度使方鎮表大曆十四年復置回鶻平徙忠武

軍貞元三年置陳許節度使治許州十月賜號忠武軍節度討劉稹也詔宰出魏

博趨磁州以兵五千椎鋒兼統河陽行營進取天井

關晉城攻陵川晉城陵川並屬澤州高平郡破賊石會關進攻澤

州其將郭誼殺稹降宰傳稹首京師遂節度太原武宗

紀會昌三年四月昭義軍節度劉從諫卒子稹自稱

留後九月忠武軍節度使王宰兼河陽行營攻討使

十二月克天井關四年八月昭義軍將郭誼殺稹降宣帝初入朝結權幸求相

周墀劾之乃遣軍子晏實智興自養之故名與諸父

齒此記與史悉合惟方鎮表大中五年以隴州置防



禦使據此則在開成之初不自大中始矣曰許昌節  
者忠武節度治許州也河陽義成宣武浙西宣歙諸  
軍並見方鎮表河陽三城節度使建中二年置以東  
畿觀察兼之貞元十二年復置河陽懷節度元和元  
年增領汝州義成軍本滑衛節度治滑州上元二年  
置廣德元年更號滑亳節度大厯七年賜爲永平軍  
節度貞元元年更號義成宣武軍卽亳宋潁節度建  
中元年置尋號宣武軍浙西宣歙軍乾元元年置浙  
江西道節度兼江甯軍領昇潤宣歙饒江蘇常杭州  
十州時宰以忠武節度充攻討使兼統河北河南浙

江江西諸節度軍也曰壺關寇嗣者以劉稹爲從諫  
嗣子昭義軍節度治潞州屬壺關縣也曰移鎮北門  
者自忠武移河東爲京師北鎮也方鎮表開元十一  
年更天兵軍節度爲太原府以北諸軍州節度及河  
東道度支營田使兼北都留守領太原及遼石嵐汾  
代忻朔蔚雲九州十八年更爲河東節度會昌三年  
以雲蔚朔三州置大同都團練使四年升大同都防  
禦使宰於大中初疏奏三城攻戰之備是大同防禦  
仍受制於節度也唐靈石隸汾州西河郡南有陰地  
關又有長甯關所云駐節關亭是也中令諸公題列

多不可考從弟坤男嗣宗傳所不載唐王宰有三宰  
相世系表琅邪王宰國子司業郭子儀傳堦光祿卿  
王宰又名畫錄蜀人王宰善畫山水樹石見杜甫詩  
至李白詩王宰夜相邀乃指漢陽邑宰故望漢陽柳  
色寄王宰詩云寄謝絃歌宰宰非名也是刻爲冀甯  
道王公志灑宰靈石詩時拓寄亦金石家未箸錄者

金石  
續錄

八瓊室金石補正卷七十四終